

六十種曲

(三)

四八五五  
尾本 11

目錄

第一齣 家門正傳

第二齣 金蘭判袂

第三齣 蕭寺停喪

第四齣 上國發軔

第五齣 佛殿奇逢

第六齣 禪關假館

第七齣 對謔琴紅

第八齣 燒香月夜

第九齣 唱和東牆

第十齣 目成清醮

第十一齣 亂倡綠林

第十二齣 警傳閨寓

第十三齣 許婚借援

第十四齣 潰圍請救

第十五齣 白馬起兵

第十六齣 飛虎授首

第十七齣 東閣邀賓

第十八齣 北堂負約

第十九齣 琴心寫恨

第二十齣 情傳錦字

第二十一齣 窺簡玉臺

第二十二齣 猜詩雪案

第二十三齣 乘夜踰垣

第二十四齣 回春束藥

第二十五齣 病客得方

第二十六齣 巫姬赴約

第二十七齣 月下佳期

第二十八齣 堂前巧辯

第二十九齣 秋暮離懷

第三十齣 草橋驚夢

第三十一齣 曲江得意

第三十二齣 泥金報捷

第三十三齣 尺素緘愁

第三十四齣 回音喜慰

第三十五齣 詭媒求配

西廂記

目錄

第三十六齣

衣錦還鄉

四一開明書店

# 西廂記

明 李日華 箸

## 第一齣 家門正傳

〔順水調歌〕〔末上〕大明一統國。皇帝萬年春。五星聚奎。偃武又修文。托賴一人有慶。坐見八方無事。四海盡歸仁。如此太平世。正是賞花辰。遇高人論心事。搜古今。移宮換調。萬象一回新。惟願賢才進用。禮樂詩文。一腔風月事。傳與世間聞。

〔沁園春〕西洛張生。博陵崔氏。一雙白璧兩南金。寄居蕭寺。無計達佳音。忽遇孫彪作耗。君瑞請兵退賊。當許下成親。豈料功成後。老母背前盟。托紅娘傳密意。遂初心。喜登黃甲。鄭恆何故更相尋。終藉蒲東太守。重諧伉儷。傳說到如今。

老夫人路阻兵圍。

小紅娘書傳簡遞。

崔營營月下聽琴

張君瑞春園及第

第二齣 金蘭判袂

〔滿庭芳〕〔生上〕遊藝中原，興衰無線，空教我望眼連天。將鞭關守候，把鐵硯磨穿，未能散雲路，鵬程萬里，先受了雪窗螢火多年。男兒志，空隨蟲篆，刻蠹斷簡殘編。留淫重幸，先各離妻，惟將青白傳家。蕭然囊裏，經史作生涯。塵上青氈未穩，空教我夢寐如麻。何時遇，媳娥有意，分付月中華。小生姓張，名瑞，字君瑞，本貫西洛人也。先人拜禮部尚書，不幸父母雙亡，書劍飄零，風雲未遂。如今貞元壬子二月上旬，欲往京師取應，正當路出潼關，有一故人，姓杜，名雅，字君實，他幼時與我同窗，曾爲八拜之交。他妻文就武，途得武舉狀元，今歸省於家，不免去拜到哥哥，多少是好。〔外上〕

〔菊花新〕獨占盤頭作武元，宮袍新製錦綉雲霞。九重春色滿瑤天，功名遂報國，願身先。妻初文就武科，盤頭獨占聽傳聞。今朝得遂平生願，方表人稱大丈夫。下官姓杜，名雅，字君實，幼年與美姑張君瑞同窗，因見國家多事，妻文就武，途得武舉狀元，今歸省於家，聞知美姑

張君瑞上國觀光。不免送行則個。執事張尙書府中去。〔行介相見介生〕同袍兄弟勝同胞。義氣相投漆和膠。〔外〕恥學時人居要第。回頭不念布衣交。賢弟幾時榮行。〔生〕行囊已治。明日准行。正欲造府拜辭。不意仁兄下顧。〔外〕愚兄今日聞知賢弟上國觀光。特備盞儀些少。更有魯酒一罇。以壯行色。〔生〕情已過佳。何以克當。〔外〕禮貴往來。受之何害。取酒過來。

〔梁州序〕〔外〕垂髻交善。今予弱冠。愧我先叨天眷。送君北上。長安道快着先鞭。趁此桃花浪暖。雷動魚騰。佇看頭角變。綠袍新染惹。御爐烟。烏帽宮花位列先。〔合〕杯惜淺。斟須滿。臨岐無厭頻頻勸。今日別未知甚時見。〔生〕小弟借花獻佛。回敬仁兄一杯。

〔前腔〕〔生〕青燈黃卷。螢窗雪案。昔日同操筆硯。一朝就武。英雄隊裏誇先。坐鎮狼烟永息。塞草青生。二箭天山奠。歸來重聚面。繡筵前。玉屑飛香起笑喧。〔合前末上介〕手捧金書出禁城。果然君命疾如星。天家已定安邊策。特請將軍赴柳營。報事報事。〔見外介末〕只因丁文雅失政。軍校不可紀律。過客寒心。居民喪膽。朝廷特勅老爺爲征西大元帥。



鎮守蒲關。洛陽太守率領所屬官員。俱在皇華驛。俟候老爺到來開讀。〔外〕分付鹵簿儀從。擺列整齊。就來了。〔末〕口傳新將令。去探舊官儀。〔下生〕仁兄賀喜。吾聞君命召。不俟駕而行。

〔前腔〕 〔生〕請吾兄寶馬先旋。待愚弟邏杯相餞。嘆人生聚散。那得占先。初本是兄來送我。誰想今番。彼此成別怨。山河盟誓重。莫留連。民望兄來解倒懸。

〔合前生〕琴童安排酒。與杜太爺賀喜。

〔前腔〕 〔外〕你不須再整杯盤。且在此斯須留戀。一聞君召。怎敢遲延。只恐馳驅聲斷。琥珀杯乾。兩下情無限。觀光遊上國。正當出蒲關。相見多應三月間。  
〔合前末上介〕紛紛鹵簿金光迸。儀從行行盡恭敬。將軍只聞天子宣。小人專聽將軍令。稟爺爺。鹵簿儀從擺列齊整了。〔外〕怎見得。

〔節節高〕 〔末〕朱杆列綵旂。七星攢。五雲擁出六龍輦。搖千扇。响八蠻。張雙傘。百官手執嚴霜簡。千兵臂挽追風箭。〔合〕纍纍金印笑登壇。男兒果遂平生願。  
〔前腔〕 〔外〕君恩四海寬。賴包含。微臣何幸蒙天眷。多慚赧。拯國難。驅民患。頓

令草賊寒心膽。從教民堵如初案。〔合前〕

〔尾聲〕〔生〕兄膺武略當西戰。〔外〕弟向文場鏖戰。各要與皇家撐持半壁天。

琴劍上京華。

寧辭道路賒。

學成文武藝。

貨與帝皇家。

### 第三齣 蕭寺停喪

〔末上〕一夜霜風凋玉芝。蒼生失望士林悲。空懷濟世安民略。不見男婚女嫁時。小人崔相國府中院子是也。俺相公棄世。老夫人扶柩回歸博陵。豈料風塵道梗。不能前進。此間普救寺長老法本。乃是俺老相公剃度的。又是鄉親故舊。因此借寺側西廂下。暫且避亂停喪。家眷只有小姐鶯鶯。年方一十八歲。舍人歡郎。纔學讀書。未諳家事。老夫人治家嚴肅。不用雜人。外事只有老僕。內有侍妾紅娘。近今時世惡薄。不免在此照管。道猶未了。夫人早到。〔老旦上〕

〔金瓊瓏〕博陵尋故壠。何時可卜佳城。經此地嘆伶仃。〔貼上〕風塵迷淚眼。雲

樹隔歸程。〔淨上〕妳妳。你愁鬢漸星星。〔鷓鴣天〕〔老旦〕憶昔夫君在省臺。商家鼎鼎用鹽梅。

金蓮燃夜歸書院。玉珮朝天上殿階。登極品。列三台。紫泥封誥玉箋裁。〔淨〕如今骨冷家鄉遠。母子飄零事可哀。〔老旦〕紅娘。如何不見小姐。叫他出來。〔貼〕小姐有請。〔旦上〕

〔前腔〕窮愁何日盡。靈臺無種偏生。奴自省少曾經。曉來扶病起。消瘦步難行。有召出幃櫺。〔見介老旦〕孩兒。你爲何垂鬢接黛。雙臉銷紅。〔旦〕母親。迢遞扶喪出帝州。思親懷

土淚盈眸。那堪草動風塵起。難數重重疊疊愁。〔老旦〕孩兒。你父親在日。執掌朝綱。誇一時之富貴。如今停喪旅邸。受無限之淒涼。好生傷感人也。

〔黃鶯兒〕〔老旦〕夫主喪京中。守孀居途路窮。娘兒孤苦誰承奉。淒涼萬種。關山幾重。恨不能扶柩歸先壠。〔合〕梵王宮。重門半掩。血淚灑杜鵑紅。

〔前腔〕〔旦〕無語背東風。望河中路未通。玉容消瘦緣愁重。椿庭命終。萱堂運窮。嘆一家飄泊誰堪共。〔合前〕

〔琥珀貓兒墜〕〔貼〕今來古往。富貴事難同。興廢渾如一夢中。停喪蕭寺且從容。〔合〕悲痛須有日還鄉。再整家風。

〔前腔〕〔淨〕當初從宦。快樂實無窮。不意先君祿命終。扶持旅櫬寓蒲東。〔合前老旦〕孩兒。我有兩件事與你說。汝父存日。將你許與侄兒鄭恆。以此附書回去。着他來搬喪就親。至今尙未見到。如今停喪在此。待要修齋做些法事。追薦你父親如何。〔旦〕父親忌日將臨。正宜追薦纔是。〔老旦〕紅娘。你去對長老說。涓取好日。做些功果。追薦相公便了。〔貼〕只有一件。老相公在此停喪。雖無金槨銀棺。也有珠襦玉匣。如今薦拔幽魂。不若早歸安厝。

終南玉盃出塵沙。

千載魂驚塞外笳。

爭似鐵腸賢內相。

只將青夢托梅花。

### 第四齣 上國發朝

〔齊天樂〕〔生上〕遠慕功名辭故里。獨攜琴劍驅馳。學海文林。花街柳陌。可愛風光如昔。雲霄萬里吐虹霓。穩步雲梯。高攀月桂。芳名應許達京畿。陰極陽生萬里春。東風紫陌動芳塵。幽棲不達長安道。野外山花也笑人。小生昨日已分付琴童收拾行李。上京取應。不知完備未曾。琴童那裏。〔丑上〕

〔水底魚兒〕聽叫琴童兩脚走如風。慌忙來到呀。原來是家主公。琴童生得青標。

每日街上擺擺搖搖。日間跟隨官人出入。夜間與官人撒腰。昨夜與官人同睡。渾身上下把我一澆。

我只道葫蘆裏放出的水。官人原來是個老瓢。〔見介〕官人有何分付。〔生〕琴童。琴劍書箱完備未

曾。〔丑〕俱已完備了。就請官人起程。

〔步步嬌〕〔生〕打疊行囊登程去。暫且辭鄉里。長亭復短亭。峻嶺崇山。半吞雲氣。黃鳥隔林啼。可愛他聲流麗。

〔江兒水〕〔丑〕芳草迷行騎。飛花點客衣。禁烟時節多風雨。古木陰中扁舟繫。數聲漁笛悠揚起。勾引離人情緒。遙望皇都。縹緲在五雲深處。〔生〕迤邐行來。不覺

早到城市。琴童尋一個潔淨客店安下。〔丑〕前面黑樓房裏。想是一所店房。待我叫店主人出來。〔叫

介末上〕門徑多瀟灑。鋪陳色色新。廣招天下客。遠接四方人。〔生末見介末〕官人到此何幹。〔生〕特

來借宿。〔末〕若要安歇。請裏面去。〔生〕琴童。你與店主人講一講。〔丑〕店官。你這裏那幾等房。〔末〕

有三等房。〔丑〕那三等房。〔末〕上中下三等房。〔丑〕上房要多少錢。中房要多少錢。下房要多少錢。

〔末〕上房一月一兩五錢。中房一兩。下房五錢。〔丑〕成不得。官人。我前者歇了一夜。只用得三錢銀子。他家下房就要五錢。〔末〕不是下等的房。〔丑〕我只道你家下一個房要五錢。〔末〕官人吃酒飯麼。〔生〕適纔得過了。〔末〕這等晚上喫罷。〔生〕店主人。天色尙早。此間可有遊翫去處麼。〔末〕官人是讀書君子。料不到花街柳陌中去。〔生〕然也。〔末〕此間有一所寺院。乃武則天娘娘香火院。甚好遊玩。〔生〕怎見得。〔末〕但見三層經閣。百尺鐘樓。如來殿高聳青雲。舍利塔直侵霄漢。紅椒粉壁。白玉闌杆。砌階石瑪瑙琢成。乘棟柱沈檀刻就。綠楊影裏。一座山門。泥金牌上。六個大字。勅賜普救禪寺。本寺一老僧。名爲法本。善於詩賦。過往士夫無不相訪。〔生〕旣如此。且去隨喜一番。〔末〕他有一徒弟。名爲法聰。一應往來士客。都是他迎接。見他可見法本。〔生〕琴童在此安頓行李。我去一會就來。

隨喜閒行到上方。

紅塵市井覓清涼。

若還得遇高僧話。

偷卻浮生半日閒。

### 第五齣 佛殿奇逢

〔光光乍〕〔淨上〕假持齋做長老。經卷那曾曉。每日喫葷腥常醉倒。真個快活。

無煩惱。小僧法聰是也。師父赴齋不在。倘有遊客往來。只得在此等候。〔生上〕

〔菊花新〕未臨科甲暫稽程。旅況淒涼動客情。蕭寺獨遊行。歷遍名山勝境。

〔相見介淨〕先生何來。〔生〕小生西洛至此。久聞上刹清雅。一來瞻仰佛像。二來拜謁長老。〔淨〕我師父不在。方纔辦了八個盒子。望丈母去了。〔生〕出家人那得有丈母。〔淨〕徒弟家裏去了。〔生〕這一個纔說得是。〔淨〕請方丈內獻茶。〔生〕既是尊師不在。不必賜茶。敢煩首座引領。佛殿上瞻仰一回。

〔淨〕請坐。奉一杯清茶。待小僧叫道人取鑰匙來開門。〔坐介生〕久聞尊師善於詩賦。特來請教。豈知不遇。倘有詩稿。請借一觀。〔淨〕我師父鎖了書箱去了。小僧記得前者與師長聯得一首詩。念與先生聽。煩乞筆削一筆削。〔生〕願聞。〔淨〕我師父說道。獨坐禪房靜。忽然覺動情。我說師父休得出此語。窗外有人聽。我師父說。出家皆如此。休要假惺惺。開了聰明孔。好念法華經。〔生笑行看介淨〕先生。這是大雄寶殿。

〔忒忒令〕〔生〕隨喜到僧房古殿。〔淨〕上寶塔看一看去。〔生〕不必上去了。只在下面看一看罷。瞻寶塔將迴廊繞遍。〔淨〕這是羅漢堂。〔生〕參了羅漢。拜了聖賢。〔旦貼上貼〕

小姐。我與你佛殿上去耍一回。〔行介貼〕這是二世佛。〔淨〕先生。這是法堂。〔生〕行過法堂前。  
〔見旦介生〕正撞着五百年風流孽冤。〔淨〕張先生。放尊重些。

〔園林好〕〔旦貼〕偶喜得片時稍閒。且與你尋芳自遣。那鸚鵡在籠中巧轉。聽得有人言。只索要自回還。

〔前腔〕〔生〕首座。我顛不辣。見了萬千。似這般龐兒罕見。只着人眼花撩亂。口難言。他掩映並香肩。〔貼〕姐姐。你看好一朵花兒。〔旦〕真個好朵花兒。〔貼〕這是鐵梗海棠。〔生〕他止將花枝笑撚。

〔皂羅袍〕〔貼〕笑折花枝自撚。惹狂蜂浪蝶。舞翅翩翩。幾番要撲展齊紈。飛向錦香叢裏。教我尋不見。被燕啣春去。芳心自斂。怕人隨花老。無人見。憐。臨風不覺增長嘆。〔淨〕先生。這裏是梵王宮。不是相思堂。

〔江兒水〕〔生〕這裏是兜率院。休猜做離恨天。你看他宜嗔宜喜春風面。弓樣眉兒新月偃。未語人前。先覩。便似嚙嚙鶯聲花外轉。解舞腰肢。似垂柳風前。



嬌軟。

〔皂羅袍〕〔旦貼〕行過碧梧庭院。步蒼苔已久。溼透金蓮。紛紛紅紫鬪爭妍。雙雙瓦雀行書案。燕啣春去。芳心自斂。人隨花老。無人見憐。把輕羅小扇遮羞臉。

〔貼〕小姐。佛殿上有人。和你回去罷。〔旦〕寂寂僧房人不到。滿階苔襯落花紅。〔旦貼下生〕首座。

曾見觀音出現麼。〔淨〕小僧在此出家多年。不曾見觀音出現。〔生〕適纔面前走的是觀音。後面

跟的不是善才。〔淨〕先生。你錯認了。那前面走的是崔相國府中鶯鶯小姐。後面跟隨的是侍妾紅

娘。〔生〕世上怎麼有如此之女。豈非天姿國色乎。休說他那模樣。只那一雙小腳兒。值一百兩黃金。

〔淨〕先生。他那雙小腳兒。值一百兩黃金。我這一雙大的。值一千兩。〔生〕你好不知趣。〔淨〕先生。那小

姐穿着繞地長裙。怎見得他腳兒小。〔生〕你出家人那曉其中趣來。〔引淨看介生〕你看這蒼苔上

的不是。〔淨〕還是讀書人聰明。果然一雙腳跡大些。一雙兒小些。只有三寸三分。

〔川撥棹〕〔生〕若不是襯殘紅芳徑軟。怎顯得步香塵底樣淺。休題他眼角兒

留情。只這脚蹤兒將心事傳。風覽了張解元。似神仙歸洞天。〔內云〕紅娘把西廂